



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCCXLII. Der Cardinal Lucas beauftragt den Bischof von Brandenburg mit einer Entscheidung in Sachen des Klosters Montis sereni, am 15. April 1382.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

in deo vero. Venerabiles patres et domini, vestre charitati tenore presentium significamus, quod Johannes Buden, canonicus noster professus, lator presentium, qui licet nuper absque nostra licentia de nostra et sua ecclesia inobedienter aliquamdiu discessit, ductus tamen penitentia ad eandem ecclesiam redire desiderans, ipsum humiliter ad nos redeuntem receptavimus, salva ordinis disciplina. Penitentiam cum humilitate suscepit peragendam. Eundem vestre charitati transmittimus, affectuose supplicantes et devote, quatenus dei et nostrorum precum intuitu et ob reverentiam ordinis ipsum in vestro monasterio et conventu colligere et sibi in victu, calceamentis, vestitu et aliis vite necessariis a data presentium per biennium, si ipsum infra non revocaverimus, prout uni de vestris providere et fraterna in domino charitate tractare dignemini, quod vicissitudine equali, si oportunum fuerit, erga vestras personas benevole remereri volumus requisiti, dominicam, qua cantatur Oculi mei semper etc. proxime instantem pro tempore effendi erga vos sibi presentibus assignantes. Datum Brandenburg, anno domini M.CCC.LXXXII, die Blasii beati martyris, prepositi Brandenburg. sub sigillo.

Nach einer Copie im ältern Copiaro.

CCCXLI. Das Domcapitel bittet das Pärmonstratenserkloster Strahau einen seiner Domherren auf zwei Jahre aufzunehmen, am 9. Febr. 1382.

Venerabilibus patribus et dominis abbati totique conventui in Strahavia, ordinis Premonstratensis, Hentzo prepositus, Bertramus prior totumque capitulum ecclesie Brandenburgensis ejusdem ordinis devotas orationes cum sinceritate mutue charitatis in deo vero. Venerabiles patres et domini, vestre charitati attente supplicamus et devote, quatenus Nicolaum de Arneburgh, presbyterum nostrum, canonicum professum, exhibitorem presentium, qui propter quasdam inimicitias cum sui quiete animi in ipsa ecclesia ad presens nequeat commorari, dei et nostrorum precum intuitu et ob reverentiam ordinis in vestro monasterio et conventu colligere et sibi in victu, calceamentis, vestitu et aliis vite necessariis a data presentium per biennium, si ipsum infra non revocaverimus, prout uni de vestris providere et fraterna in domino caritate tractare dignemini, quod necessitate equali, si oportunum fuerit, erga vestras personas benevole remereri volumus, requisiti, dominicam, qua cantatur Oculi mei semper etc. proxime instantem pro termino effendi erga vos sibi presentibus assignantes. Datum Brandenburg, anno domini M.CCC.LXXXII. sabbatho ante proximam dominicam beate Scholastice virginis, prepositi Brandenburg. sub sigillo.

Nach einer Copie im ältern Copiaro.

CCCXLII. Der Cardinal Lucas beauftragt den Bischof von Brandenburg mit einer Entscheidung in Sachen des Klosters Montis Sereni, am 15. April 1382.

Venerabili in Christo patri dei gratia Episcopo Brandenburgensi vel eius Vicario in spiritualibus, Lucas miseratione diuina tituli sancti Sixti presbyter Cardinalis salutem et sinceram in domino caritatem. Ex parte Curadi Canicz, Vlrici Slegel, presbyterorum, ac Bernardi pisto

ris et Conradi Nuenborch diaconorum canonicorum Monasterii Sancti Montis fereni, ecclesie Romane immediate subiecti, ordinis Sancti Augustini, Magdeburgensis diocesis, nobis oblata petitio continebat, quod cum olim quidam laici cum certis familiaribus ipsius Monasterii infra septa eiusdem Monasterii se mutuo uerberando inuicem rixarentur, negotio huiusmodi ad dicti Curadi Canicz notitiam deducto, ipse Curadus uelociter assumpta lancea pro succursu dictorum familiarium ad locum ubi huiusmodi rixa fiebat cucurrit, et cum vnus ex dictis familiaribus non appareret dictus Curadus eum querens et videns vnum de dictis laicis currentem contra eum quendam cultellum quem habebat contra eundem laicum iactauit, ipsum tamen nec quemcunque alium non tetigit nec percussit: deinde prefati Vlricus, Bernardus et Curadus casu superuenientes sine armis premissis consideratis pro sui canonici liberatione se interposuerunt turbaque laicorum multiplicata idem canonici se intra valuam dicti Monasterii reducerunt valuamque clausurunt; Sed cum vnus ex dictis laicis valuam rursus aperuisset, dicti canonici cum suis familiaribus extra valuam cucurrerunt fugantes et repellentes dictos suos emulatores, et tunc quidam ex dictis laicis prefatum vlricum vulnerauit ipseque Vlricus ipsum laicum repercuciendo vulnerauit citra tamen mortem aut mutilationem uel alicuius membri sui debilitationem. Tandem succrescente tumultu Tydericus vorholez, subaduocatus loci illius, superuenit et se huiusmodi tumultui immiscens quendam ex ipsis laicis vulnerauit, de quo postmodum expirauit, ipso subaduocato continuo asserente, sibi tanquam officiali premissa facere licuisse. Et licet prefati canonici in premissis aliam opem uel operam non dederunt, tamen a suorum executione ordinum abstinerunt extunc, prout abstinent de presenti, culpam formidantes, ubi culpa tamen minime reperitur. Super quibus supplicari fecerunt humiliter, eis per sedem apostolicam de oportuno remedio misericorditer prouideri. Nos igitur auctoritate domini pape, cuius primarie curam gerimus, Circumspectioni vestre, cum ordinarium eorum habeant in hac parte suspectum, committimus, quatenus, si premissa per diligentem inquisitionem inueneritis, uera fore et dicti exponentes alias culpabiles non fuerint in premissis, super quibus uestram intendimus conscientiam onerare, declaretis ipsos exponentes occasione premissorum nullam irregularitatis maculam incurrisse et eos premissis non obstantibus in suis ordinibus licite posse ministrare. Datum Rome, apud sanctum Petrum XVII. Kal. Maii Pontificatus domini Urbani pape VI. anno Quarto.

Jo. Penoueniterri

pro teste Ant. de Caluis.

Nach dem Original im Königl. Sächsischen Staats-Archiv in Dresden.

CCCXLIII. Das Domcapitel sendet einen Mönch dem Kloster Püdgla zurück, am 1. Sept. 1382.

Venerabili in Christo patri, abbati monasterii in Pügdlow, ordinis Premonstratensis, Henzo prepositus, Bertramus prior totumque capitulum ecclesie Brandenburgensis eiusdem ordinis sinceram et fraternam in domino charitatem. Quia proh dolor ecclesia nostra in suis redditibus et proventibus ex malorum suggestionem, instigationem et guerris devastata miserabiliter extenuata atque debitorum oneribus graviter occupata existit, propter quod non solum preteritis afflictis malis sed et futuris iam de novo imminentibus non solum propter premissa uerum etiam propter raptorum vexationem et tyrannorum angariationem nobis mala peiora prioribus et erumnam non modicam evenire formidamus. Ideirco uestre uenerabilitati fraterneque dilectioni supplicamus studiose cum affectu, quatenus fratrem Mathiam uestri monasterii, quem nobis miseratis, nobiscum aliquamdiu commanendum, benigne